

IZVJEŠTAJ O RADU UPFBIH 2023.

Prijedlog



Uvod

Izveštaj o radu Udruženja poslodavaca u FBiH za 2023. godinu obuhvata izvještaj za period od 01. januara 2023. godine do 01. aprila 2024. godine.

Izveštaj je sačinjen na osnovu provedenih aktivnosti i predstavlja pregled realizovanih aktivnosti Udruženja poslodavaca u FBiH (UPFBiH), odnosno njegovih organa, te sadrži osnovne rezultate koji su postignuti tokom protekle godine.

OSNOVNE INFORMACIJE O UPFBiH

- ✚ Osnovano 2002. godine
- ✚ Reprezentativno Udruženje poslodavaca u FBiH sa oko 23.000 individualnih i kolektivnih članica, 14 sektorskih udruženja i 24 regionalna udruženja (uz stalni rast i jačanje kapaciteta)
- ✚ UPFBiH predstavlja preko 26% svih registriranih privrednih subjekata u FBiH i oko 45% zaposlenih
- ✚ Kao jedino reprezentativno Udruženje poslodavaca u FBiH član Ekonomsko-socijalnog vijeća za teritoriju Federacije BiH i ekonomsko-socijalnih vijeća u kantonima (tamo gdje su formirana)
- ✚ Od 10 najvećih kompanija u FBiH sedam su članice UP FBiH, ali naše članice su i mala i srednja preduzeća i obrti (oko 18000 članica).

I NAJZNAČAJNIJE AKTIVNOSTI U 2023. GODINI

Udruženje poslodavaca u FBiH tokom 2023. godine nastavilo je sa provedbom programskih i drugih aktivnosti na jačanju poslovnog okruženja i generalno jačanja položaja i uloge poslodavaca u sistemu poslovanja u BiH.

Izveštajni period je period uspostave nove vlasti na svim nivoima u BiH nakon općih izbora, što je u dobroj mjeri obilježilo i aktivnosti UPFBiH koje su često morale biti prilagođavane, pa na trenutke i improvizirane kako bi se na odgovarajući način i u skladu sa domaćim i međunarodnim propisima, pozicioniralo i samo Udruženje na mjesto koje mu u sistemu i pripada, a sve u skladu sa međunarodnim i domaćim propisima i pozitivnom praksom.

Rezultatima koje smo kroz spomenute procese postigli, još uvijek nismo u potpunosti zadovoljni. Očekujemo tokom 2024. godine daljnji napredak i veći iskorak u saradnji sa vlastima, kroz konstituisanje i početak rada ekonomsko-socijalnih vijeća na svim administrativnim nivoima u FBiH, ali i kroz usaglašavanje zajedničkih interesa i prioriteta na poboljšanju poslovnog ambijenta. Posebno se rezultati mogu unaprijediti kroz donošenje važnih strateških i planskih dokumenata, usvajanje propisa i dr.


Određeni rezultati napravljeni su u oblasti fiskalnih principa i priprema za systemske reforme u oblasti poreza, doprinosa, pitanjima ograničenja cijene električne energije, u oblasti trgovine, usluga, izmjena i dopuna i donošenja novih propisa na svim nivoima vlasti, pripreme i implementacije više projekata koji se




odnose na zaštitu na radu, tržište rada, rad i zapošljavanje, obrazovanje, fiskalna i parafiskalna rasterećenja privrede i poslodavaca i drugo.

TOKOM 2023. GODINE UDRUŽENJE POSLODAVACA U FBiH JE PODUZELO BROJNE AKTIVNOSTI OD KOJIH BISMO IZDVOJILI NAJZNAČAJNIJE:

- ✚ **Ažuriran dokument „Šta poslodavci očekuju od vlasti i dostavljen svim političkim strankama prije Općih izbora;**
- ✚ **Održani sastanci sa rukovodstvom SDP-a, NIP-a, DF-om, Stranke za BiH, Naše strankom i SDA.**
Na sastancima su predstavljene neophodne reforme u oblasti privrede i poboljšanja poslovnog ambijenta sa ciljem smanjenja opterećenja cijene rada i povećanja plaća i primanja zaposlenih, poboljšanja životnog standarda, povoljnijih uvjeta za investiranje, smanjenje sive ekonomije i povećanja konkurentnosti domaće privrede;
- ✚ **Zaustavljeno planirano i od strane EP BiH predloženo povećanje cijene električne energije prema privrednim subjektima za 60-80% kako je bilo najavljeno.**
(Donošenjem Odluke o uvođenju posebnih mjera kontrole cijena snabdijevanja električnom energijom za 2024. godinu kojom je Vlada FBiH ograničila povećanje cijene snabdijevanja električnom energijom do 20%);
- ✚ **Poslodavcima data mogućnost da bez oporezivanja isplate pomoć radnicima kao odgovor Vlade FBiH na stalno insistiranje poslodavaca za rasterećenje cijene rada.**
(Donošenjem Uredbe o isplati pomoći od strane poslodavaca, kojom se omogućava isplata novčane pomoći (u visini do 2.520 KM) radniku bez plaćanja poreza i doprinosa (privremena mjera);
- ✚ **Zaustavljeno povećanje minimalne plate na 1000 KM donošenjem Odluke o najnižoj plaći za 2024. godinu,** do donošenja seta reformskih propisa (porezi, doprinosi, minimalna plata i dr.);
- ✚ **Usvojen Zakon o korištenju obnovljivih izvora energije i efikasne kogeneracije FBiH u kojem je sadržan i dio prijedloga UPFBiH;**
- ✚ **U okviru radne grupe u kojoj je učestvovao i predstavnik UPFBiH usaglašen Nacrt Zakona o posredovanju u zapošljavanju i socijalnoj sigurnosti nezaposlenih osoba, kojim je predviđeno konačno razdvajanje lista aktivnih tražioca posla od neaktivnih;**
- ✚ **Na inicijativu UPFBiH, Ministarstvo za rad i socijalnu politiku u proceduru uputilo Prednacrt Zakona o izmjenama i dopunama Zakona o zapošljavanju stranaca u FBiH koji je pripremila Udruženje i u kojem su sadržani zahtjevi UPFBiH;**
- ✚ **Na inicijativu UPFBiH ukinuta Odluka o propisivanju mjere neposredne kontrole cijena utvrđivanjem maksimalne visine marži na pojedine osnovne životne namirnice i druge proizvode i početak projekta “Zaključavamo cijene“ (Projekat u toku, korisnici zadovoljni);**
- ✚ **Na inicijativu UPFBiH i u saradnji sa UPRS, donešen Zakon o izmjenama i dopunama Zakona o porezu na dodatnu vrijednost kojima je povećan prag za ulazak u PDV sistem i oslobađanje od plaćanja PDV-a donirane hrane u humanitarne svrhe;**
- ✚ **Nakon dugogodišnjeg insistiranja UPFBiH, Ministarstvo za rad i socijalnu politiku u proceduru uputilo izmjene i dopune Zakona o radu kojim se omogućava rad redovnih studenata;**



- ✚ **Pripremljen i u proceduru upućen Zakon o profesionalnoj rehabilitaciji i osposobljavanju osoba sa invaliditetom sa ugrađenim prijedlozima UPFBiH;**
- ✚ **Izuzetno unaprijeđena saradnja sa Ministarstvom trgovine i unaprijeđeni propisi iz oblasti trgovine (Zakon o unutrašnjoj trgovini, Zakon o zaštiti potrošača, Odluke o maržama, podzakonski akti i dr.).** Aktuelan rad na usvajanju i daljnjoj doradi spomenutih i drugih propisa vezano za pitanja trgovine i sl.;
- ✚ **Upućena inicijativa „Povećanje plaće za 400 KM na koje se ne plaćaju doprinosi” - Izmjene i dopune Zakona o porezu na dohodak FBiH kao privremeno rješenje do donošenja sistemskih zakona;**
- ✚ **Izmjene propisa iz oblasti carina i carinske politike u cilju pojednostavljenja carinskih procedura.** Izmjenjena Odluka o provođenju Zakona o carinskoj politici u BiH;
- ✚ **Stavljen van snage Pravilnik o registraciji vozila;**
- ✚ **Na inicijativu UPFBiH povećane kvote za zapošljavanje stranaca;**
- ✚ **Sa nadležnim ministarstvima BiH i FBiH pokrenute aktivnosti za pojednostavljenje procedura uvoza radne snage u BiH;**
- ✚ **Projekti i aktivnosti u okviru EU integracija („priljava energija“, ljudska prava u poslovnom okruženju i dr.);**
- ✚ **Unaprijeđena regionalna saradnja na planu pripreme zajedničkih projekata i dr.;**
- ✚ **Održani brojni sastanci sa političkim strankama na kojima je prezentiran dokument „Šta poslodavci očekuju od vlasti”;**
- ✚ **Stalno insistiranje na donošenju Zakona o porezu na dohodak, Zakona o porezu o doprinosima i Zakon o porezu na dobit;**
- ✚ **Pripremljena i nadležnim institucijama (Federalno ministarstvo zdravstva i Vlada FBiH) upućena inicijativa za izmjenu propisa koji se odnose na zdravstveno osiguranje (smanjenje obaveze naknade plaće za vrijeme bolovanja koja pada na teret poslodavaca, troškovi poslodavaca po osnovu povreda na radu kada je povreda nastala neovisno od krivice poslodavca);**
- ✚ **Učešće u radnim grupama za unapređenje politika i strategija zapošljavanja domaće radne snage, ali i uvoza stranih radnika kroz izmjene Zakona o strancima BiH, kao i podzakonskih i provedbenih akata, odluka o kvotama, i dr.;**
- ✚ **Priprema inicijative za izmjenu i dopuna propisa iz oblasti zaštite na radu;**
- ✚ **Kontinuirane aktivnosti na usklađivanju sistema obrazovanja sa potrebama tržišta rada, dostava listi deficitarnih kadrova, nadležnim institucijama kantona u FBiH;**
- ✚ **Svakodnevne aktivnosti na uspostavi i početak rada Ekonomsko-socijalnog vijeća za teritoriju FBiH;**
- ✚ **Višemjesečne aktivnosti na spriječavanju povećanja cijene električne energije;**
- ✚ **Upućeni zahtjevi i održani brojni sastanci u Vladi FBiH i EP BiH s ciljem donošenja odluke o ograničavanju povećanja cijene električne energije za privredna društva u 2024. godini;**
- ✚ **Upućena Inicijativa za ukidanje odluke o propisivanju mjere neposredne kontrole cijena utvrđivanjem maksimalne visine marži na pojedine osnovne životne namirnice i druge proizvode;**
- ✚ **Održano niz sastanaka sa ambasadorima i predstavnicima delegacije EU u BiH i USA-a;**
- ✚ **Održani brojni sastanci sa predstavnicima vlasti na svim nivoima na kojima su se razmatrale inicijative Udruženja poslodavaca u FBiH;**
- ✚ **Učešće u “prepoznavanju” i otklanjanju brojnih administrativno-pravnih prepreka za realizaciju pitanja od interesa za poslovno okruženje;**



- ✚ Održana Konferencija UPFBiH "Opterećenje cijene rada i tržište rada u FBiH";
- ✚ Poslovni događaj "Povećanje ekonomske razmjene između BiH i Slovenije";
- ✚ Konferencija UPFBiH "Fiskalna i parafiskalna opterećenja i tržište rada u FBiH: stanje i perspektive".

INICIJATIVE 2023/2024

- ✚ Udruženje poslodavaca u FBiH dostavilo resornim ministarstvima usaglašene prioritetne aktivnosti za poboljšanje poslovnog ambijenta
- ✚ Dostavljene primjedbe na Inicijativu za uspostavljanje institucije biznis ombudsmana u BiH
- ✚ Usvojen dio prijedloga Udruženja poslodavca u FBiH iz prioritetnih aktivnosti UPFBiH za izmjene Zakona o porezu na dodatnu vrijednost (donirana hrana oslobođena plaćanja PDV-a i povećan prag za ulazak u PDV sistem)
- ✚ Formirane fokus grupe UPFBiH za usaglašavanje principa Zakona o porezu na dohodak i Zakona o doprinosima
- ✚ Pripremljena inicijativa za dopunu Zakona o porezu na dohodak koja bi omogućila povećanje plaća radnicima do 400 KM
- ✚ Usvojena jedna od prioritetnih aktivnosti UPFBiH: Omogućava se korištenje pojednostavljenog carinskog postupka
- ✚ Usvojen dio amandmana UPFBiH na zakon o korištenju obnovljivih izvora energije i efikasne kogeneracije
- ✚ Na inicijativu UPFBiH izmjenjena Odluka o utvrđivanju maksimalne visine marži u trgovini za pojedine osnovne životne namirnice i druge proizvode - Pokrenut projekat „zaključavamo cijene“
- ✚ Na inicijativu UPFBiH usvojen Zakon o izmjeni zakona o doprinosima - preferencijalne osnovice
- ✚ UPFBiH uputilo inicijativu kojom traži izuzeće profesionalnih vozača iz odredbi ograničenog boravka u zemljama EU
- ✚ Pripremljeni i upućeni amandmani na Nacrt zakona o unutrašnjoj trgovini (formirana Radna grupa koja je pripremila amandmane)
- ✚ Dio amandmana na Nacrt zakona zakona o unutrašnjoj trgovini usvojen
- ✚ Zaustavljeno najavljeno enormno povećanje cijene električne energije
- ✚ UPFBiH uputilo Zahtjev za mišljenje o primjeni Zakona o zaštiti na radu i pratećih podzakonskih akata
- ✚ Upućena inicijativa za izmjenu Zakona o privrednim društvima
- ✚ Direktor UPFBiH učestvovao u Radnoj grupi za izradu Zakona o posredovanju u zapošljavanju i socijalnoj sigurnosti nezaposlenih osoba
- ✚ Upućena primjedba na tekst Javnog konkursa za dodjelu sredstava za realizaciju programa, projekata i sličnih aktivnosti iz područja zaštite okoliša za 2023. godinu
- ✚ Dostavljene primjedbe na Prijedlog Odluke o privremenoj suspenziji i privremenom smanjenju carinskih stopa kod uvoza određenih roba do 31.12.2024. godine
- ✚ Upućena inicijativa za izmjenu Krivičnog zakona Federacije BiH
- ✚ Inicijativa za izmjenu Naredbe o nadležnosti carinskih ispostava za carinjenje određenih roba porijeklom iz azijskih i afričkih zemalja broj 01-02-2-1508/15
- ✚ Ponovo upućena inicijativa da se ukine oporezivanje dohotka od prodaje udjela
- ✚ Upućene primjedbe na Prednacrt Zakona o izmjenama i dopunama Zakona o upravljanju otpadom
- ✚ UPFBiH učestvovalo u izradi Strategije zapošljavanja u Federaciji Bosne i Hercegovine (2023 - 2030)



- ✚ Ponovno zatraženo pokretanje procedure za uspostavu bilateralne uzajamnosti o povratu PDV-a
- ✚ U okviru javne rasprave dostavljene primjedbe na Nacrt zakona o šumama, i dr.
- ✚ Prisustvovali svim sjednicama Zastupničkog doma Parlamenta FBiH, kao i sjednicama Parlamenta BiH kada se raspravljalo o pitanjima važnim za poslovno okruženje u FBiH
- ✚ Održali brojne sastanke sa radnim tijelima zakonodavne vlasti po pitanju propisa, strategija i drugih pitanja o kojima se izjašnjava zakonodavna vlast

II USLUGE ČLANSTVU

Usluge članstvu i u 2023. godini su se odnosile na pomoć članicama i blagovremene odgovore na sve upite i inicijative članica.


Pored navedenog UPFBiH je pružalo i sljedeće usluge:

Kroz web stranicu „pružanje besplatne pravne pomoći“ poslodavci su imali:

- ✓ besplatnu pravnu pomoć na upit
- ✓ svakodnevne informacije o novostima u zakonima
- ✓ pristup svim zakonima od interesa za poslodavce na svim nivoima vlasti
- ✓ sudska praksa
- ✓ komentari/analize važnijih zakona
- ✓ pružanje svakodnevnih informacija putem press clippinga
- ✓ putem e-konsultacija članovima omogućili da direktno daju primjedbe na zakone i podzakonske akte koji su u proceduri
- ✓ pomoć članicama po pitanju edukacije zaposlenika
- ✓ mjesečno izdavali Newsletter
- ✓ pripremili tekstove Izmjena i dopuna važećih Kolektivnih ugovora kao i pripremu tekstova novih KU za pregovore sa sindikatom u čijoj izradi su poslodavci odnosno članice imale direktno učešće
- ✓ zauzimanje stavova poslodavaca po pitanju inicijativa za pokretanje pregovora za potpisivanje novih kolektivnih ugovora
- ✓ putem e-maila i web stanice redovno informisali o zakonima i podzakonskim aktima koji se nalaze u proceduri i tražili mišljenje članica
- ✓ redovno na zahtjev članica pružali besplatnu pravnu pomoć
pružanje stručne pomoći kroz definisanja ciljeva razvoja i istraživanja tržišta.

III SOCIJALNI DIJALOG

Socijalni dijalog mora se temeljiti na međusobnom uvažavanju i povjerenju koje se gradi godinama, te saradnji u dobroj vjeri. Udruženje poslodavaca Federacije BiH je trajno opredjeljeno za vođenje socijalnog dijaloga i ubuduće će raditi na jačanju socijalnog dijaloga i izgradnji međusobnog povjerenja.



U izvještajnom periodu nije održana nijedna sjednica ESV-a. Međutim, Udruženje poslodavaca u FBiH je u saradnji sa predstavnicima sindikata konstantno insistiralo na uspostavi ovog važnog tijela.

Kolektivno pregovaranje

Unaprijeđena je saradnja sa predstavnicima sindikata iz realnog sektora, što je rezultiralo usaglašavanjem i potpisivanjem sedam kolektivnih ugovora:

1. Kolektivni ugovor o izmjenama i dopunama Kolektivnog ugovora o pravima i obavezama poslodavaca za djelatnost proizvodnje i prerade **metala**
2. Kolektivni ugovor o izmjenama i dopunama Kolektivnog ugovora pravima i obavezama radnika i poslodavaca za djelatnost **trgovine**
3. Kolektivni ugovor o izmjenama i dopunama Kolektivnog ugovora pravima i obavezama radnika i poslodavaca za djelatnost **građevinarstva**
4. Kolektivni ugovor o izmjenama i dopunama Kolektivnog ugovora pravima i obavezama radnika i poslodavaca za djelatnost **prometa**
5. Kolektivni ugovor o izmjenama i dopunama Kolektivnog ugovora pravima i obavezama radnika i poslodavaca za djelatnost **drvne i papirne industrije**
6. Kolektivnog ugovor o pravima i obavezama radnika i poslodavaca iz oblasti **tekstilne industrije, industrije kože i obuće**
7. Kolektivni ugovor o pravima i obavezama radnika i poslodavaca iz oblasti **hemije i nemetala**.


IV SARADNJA SA INSTITUCIJAMA VLASTI I DRUGIM ORGANIZACIJAMA

Udruženje poslodavaca u FBiH tokom 2023. godine uložilo je velike napore i kapacitete u predstavljanje novim vlastima na svim nivoima interesa i potreba poslodavaca, a u tom pravcu održani su brojni sastanci i konsultacije sa članovima vlada, rukovodiocima institucija na svim nivoima vlasti, ambasadama stranih država, a posebno sa europskom i američkom administracijom, održavali redovne sastanke sa nadležnim institucijama u cilju rješavanja prioritetnih pitanja i gorućih problema za poslovno okruženje i poslovni ambijent.

Najznačajniji sastanci tokom izvještajnog perioda:


Sastanci sa političkim strankama

Sa ciljem prezentacije dokumenta "Šta poslodavci očekuju od vlasti" koji je pripremljen od strane UPFBiH i dostavljen političkim strankama prije izbora, a u kojem su sadržani prijedlozi izmjena i dopuna oko 40 propisa čiji je cilj rasterećenje privrede i poboljšanje poslovnog ambijenta u BiH, predstavnici UPFBiH najavili su se svim parlamentarnim strankama, a održani su sastanci sa predstavnicima političkih stranaka koji su odgovorili na inicijative UPFBiH, a to su SDP, NIP, DF, SBiH, NS i SDA. Na sastancima su predstavljene neophodne reforme u oblasti privrede sa ciljem povećanja plaća i primanja zaposlenima, poboljšanja



životnog standarda, poboljšanja poslovnog ambijenta, povoljnijih uvjeta za investiranje, smanjenje sive ekonomije i povećanja konkurentnosti domaće privrede.






✚ Nekoliko sastanaka sa predstavnicima nadležnih institucija na temu „liberalizacija tržišta radne snage“

Nakon što je došlo do značajnog poremećaja na tržištu radne snage u FBiH, Udruženje poslodavaca u FBiH uložilo je velike napore na unapređenju stanja. S tim ciljem, Udruženje poslodavaca u FBiH održalo je brojne sastanke i konferencije sa predstavnicima Ministarstva sigurnosti BiH, Ministarstva vanjskih poslova BiH, Ministarstva civilnih poslova, Ministarstva rada i socijalne politike FBiH, Federalnog zavoda za zapošljavanje, Agencije za rad i zapošljavanje BiH, te Službe za poslove sa strancima u vezi liberalizacije uvoza radne snage. Nakon svih provedenih konsultacija i na bazi analize postojećeg pravnog okvira Udruženje poslodavaca u FBiH je pripremio Prednacrt zakona o izmjenama i dopunama Zakona o zapošljavanju stranaca u FBiH i dostavilo Ministarstvu za rad i socijalnu politiku na dalje upućivanje u proceduru.






- ✚ Predstavnici UPFBiH održali su više sastanaka sa predstavnicima Ministarstva poljoprivrede, vodoprivrede i šumarstva FBiH i Federalne uprave za inspekcijske poslove s ciljem rješavanje pitanja zbrinjavanja nusproizvoda životinjskog porijekla.





- ✚ Održani su brojni sastanci sa međunarodnim predstavnicima u svrhu unapređenja poslovnog ambijenta, prioriternih aktivnosti vezano za poboljšanje položaja poslodavaca u FBiH, snažniji rast, povećanje konkurentnosti te zaustavljanje trendova iseljavanja stanovništva i nedostatka radne snage, ekonomskoj situaciji u FBiH, cijenama energenata i hrane, odnosno inflatornim trendovima, utjecaju povećanja cijena električne energije, tržištu rada i poslovnom okruženju, digitalizaciji i zelenoj ekonomiji.






✚ **Održani su brojni sastanci sa predstavnicima domaćih vlasti i institucija s ciljem rješavanja problema u privredi**, kao što je funkcioniranje realnog sektora, nedostatak radne snage, poslovnog ambijenta, rasterećenja privrede i unaprjeđenja uslova za ekonomske reforme i razvoj u Federaciji BiH.







Sastanak sa ministricom obrazovanja i nauke FBiH Jasnom Duraković i federalnom ministricom turizma i okoliša Nasiha Pozder a u vezi sa rješavanjem problema sa kojima se susreću s kompanije oko dobijanja licenci i dozvola u sistemu prirodnog farbanja putem mikroorganizama koje ove kompanije koriste u svom poslovanju. Također, na sastanku je razmatrano pitanje važnosti Udruženja te rad na aktivnostima usklađivanja sistema obrazovanja sa potrebama tržišta rada.





✚ Održani brojni sastanci sa premijerima i ministrima na nivou kantona a u cilju jačanja saradnje sa kantonalnim grupacijama







V SARADNJA SA SINDIKATIMA

Saradnja sa sindikatima se odnosi uglavnom na saradnju sa granskim sindikatima iz realnog sektora.

Kao najznačajnije aktivnosti izdvojili bi:

- ✚ **UPFBiH i sindikati iz realnog sektora na PRESS KONFERENCIJI predstavili zajedničke aktivnosti** - Udruženje poslodavaca u Federaciji Bosne i Hercegovine organiziralo je predstavljanje zajedničkih aktivnosti sa sindikatima iz realnog sektora gdje je poručeno da predstojeće godine fokus treba biti na regulisanju tržišta rada zbog, kako je rečeno, odlaska mlade radne snage iz Bosne i Hercegovine.
- ✚ **Zajednička inicijativa prema Vladi Federacije BiH u cilju donošenja propisa iz oblasti fiskalne politike kojim će se znatno smanjiti doprinosi a kako bi se stvorili uslovi za povećanje plaća radnicima;**
- ✚ Održano nekoliko sastanaka rukovodstva UPFBiH i predsjednika: Sindikata metalaca FBiH, Samostalnog sindikata šumarstva, prerade drveta i papira BiH, Sindikata građevinarstva i industrije građevinskog materijala BiH, Samostalnog sindikata radnika hemije i nemetala u FBiH, Sindikata tekstila, kože, obuće i gume FBiH na kojima se raspravljalo o pokretanju Inicijativa za izmjene i dopune kolektivnih ugovora i potpisivanje novih kolektivnih ugovora.

VI RAD ORGANA, TIJELA I ORGANIZACIONIH DIJELOVA UDRUŽENJA

Rad organa Udruženja

Rad organa i tijela Udruženja odvijao se u skladu sa Statutom i drugim općim aktima Udruženja. Sjednice su se tokom 2023. godine odvijale kombinovano, online putem Zoom aplikacije ili direktnim prisustvom.

Skupština

U protekloj 2023. godini održana jedna sjednica redovne Skupštine (XX redovna Skupština) na kojoj je bilo 9 tačaka dnevnog reda. Na navedenoj sjednici su usvojeni redovni izvještaji o radu.

UPFBiH - Grupacije poslodavaca po osnovu teritorija u prethodnoj godini su održavali redovne sastanke UO za Grupaciju TZ Kantona, Grupaciju ZE-DO kantona i Grupaciju SBK Kantona.

Upravni odbor

U Izveštajnom periodu, do održavanja 21. Skupštine održano je 9 sjednica UO (IV do XI). Od toga jedna sjednica je bila vanredna. Od ukupno 9 sjednica, 3 sjednice su bile online.

Sjednice su održavane u proširenom sastavu, uz učešće predsjednika Grupacija poslodavaca kao i predstavnika poslodavaca na koje se pretežito odnosile tačke i teme dnevnog reda.



Tokom 2023. godine, UPFBiH je nastojalo da što manje održava online sjednice i da se vraća dugogodišnjoj praksi da se sjednice održavaju i van Sarajeva. U proteklom periodu sjednice su održane pored Sarajeva u Tuzli i Tešnju, a domaćini su bili naše članice.

Stručna služba je blagovremeno uputila pozive i pripremila sve potrebne materijale. Svi zaključci sa sjednica su realizirani.

Rad Pravnog i Ekonomskog savjeta UPFBiH

Pored sjednica Upravnog odbora u toku 2023. godine intenziviran je rad Pravnog i Ekonomskog Savjeta UPFBiH.

U toku 2023. godine održano je nekoliko sjednica Pravnog i Ekonomskog savjeta na kojima se raspravljalo o:

- ✓ Izmjenama i dopunama Zakona o doprinosima i Zakona o porezu na dohodak
- ✓ Dokumentu „Šta poslodavci očekuju od vlasti“ - Utvrđivanje prioriternih aktivnosti
- ✓ Zakonu o carinskoj politici i Odluci o provođenju Zakona o carinskoj politici
- ✓ Pitanju povećanja cijene električne energije
- ✓ Pitanju Zakona o unutrašnjoj trgovini
- ✓ Pitanju Zakona o potrošačima FBiH.

Grupacije po osnovu djelatnosti i teritorijalnom nivou

Aktivnosti Udruženja poslodavaca FBiH na poticaju razvoja granskih udruženja u protekloj godini je bila je intenzivirana.

UPFBiH je u protekloj godini, kao i do sada, davalo podršku svim grupacijama unutar Udruženja, kao i kantonalnim udruženjima poslodavaca. Stručna služba UPFBiH je blagovremeno pružala, kako administrativnu, tako i stručnu pomoć svim grupacijama i udruženjima. U okviru aktivnosti grupacija, rukovodstvo UPFBiH, zajedno sa rukovodstvima grupacija je aktivno radilo na unapređenju poslovnog ambijenta i rješavanju aktuelnih problema koji su u nadležnosti na kantonalnim nivoima.

UDRUŽENJE POSLODAVACA KANTON SARAJEVO

U 2023. godini održane su 4 sjednice Upravnog odbora Udruženja poslodavaca Kantona Sarajevo, od kojih je jedna bila Tematska sjednica Udruženja poslodavaca Kantona Sarajevo i Vlade Kantona Sarajevo o prioritetnim aktivnostima vezanim za privredu u Kantonu Sarajevo.



U 2024. godini (do aprila) održana je 1 sjednica Upravnog odbora Udruženja poslodavaca Kantona Sarajevo.


- **II sjednica**, održana 25.01.2023. godine - 8 tačaka Dnevnog reda
- **Tematska sjednica** "Razgovor sa premijerom i članovima Vlade Kantona Sarajevo o prioritetnim aktivnostima vezanim za privredu u Kantonu Sarajevo", održana 26.04.2023. godine
- **III sjednica**, održana 19.10.2023. godine - 7 tačaka Dnevnog reda
- **IV sjednica**, održana 10.11.2023. godine - 5 tačaka Dnevnog reda
- **V sjednica**, održana 28.02.2024. godine - 4 tačke Dnevnog reda

09.02.2024. godine održan je sastanak sa premijerom i članovima Vlade KS. Doneseni veoma bitni zaključci za poslovnu zajednicu:

- Formirana Radna grupa za parafiskalne namete
- Formirana Radna grupa za utvrđivanje prijedloga za unaprijeđenje tržišta rada
- Dogovoreno kontinuirano održavanje sastanaka sa predstavnicima Kantonalne uprave za inspeksijske poslove Kantona Sarajevo
- Dogovoren nastavak rada Radne grupe za pripremu i izradu izmjena i dopuna Zakona o komunalnoj čistoći
- Imenovani predstavnici koji će pratiti aktivnosti na donošenju Zakona o ekonomsko-socijalnom vijeću za područje Kantona Sarajevo
- Imenovani predstavnici koji će pratiti aktivnosti na donošenju Zakona o dualnom obrazovanju
- Dogovoren zajednički rad na projektima.


✚ Redovni sastanci UO Grupacija ZE-DO, Kantona Tuzla i SBK Kantona.

✚ Redovno održavanje ESV-a za područje Kantona Sarajevo, ZE-DO Kantona, Kantona SBK, Tuzlanskog kantona i Unsko-sanskog kantona.



VII UNAPRJEĐENJE KADROVSKIH, MATERIJALNIH, RESURSNIH I POSLOVNIH KAPACITETA

Tokom 2023. godine Udruženje poslodavaca se suočilo sa problemom nedostatka ljudskih resursa. Smanjen broj zaposlenih na osnovu Ugovora o radu sa šest na četiri osobe. Više od 9 mjeseci zaključno sa martom 2024. godine UPFBiH nije imalo uposlenu osobu za administrativno tehničke poslove. To je značajno otežavalo rad stručne službe obzirom da su postojeće zaposlenice morale jednim dijelom pokrivati i propisane i druge poslove referenta za administrativno - tehničke poslove.



Početak aprila 2024. godine, UPFBiH je putem projekta Zavoda za zapošljavanje uposlilo osobu sa evidencije zavoda za zapošljavanje na poslove referenta za administrativno-tehničke poslove.

Trenutno u Udruženju poslodavaca u FBiH je uposljeno 5 osoba po osnovu Ugovora o radu.

Opremljen je POC sa potrebnim brojem prenosnih računara i velikim LCD monitorom čime je unaprijeđena interna infrastruktura UPFBiH za potrebe održavanja obuka, kurseva, sastanaka, konsultacija i sl.

Dugogodišnji direktor UPFBiH i savjetnik predsjednika UO UPFBiH otišao je u penziju.

Osoba koja je bila angažovana po osnovu Ugovora o radu na pola radnog vremena u grupaciji UP ZE-DO kantona okončala je sa radom u martu 2024. godine zbog odlaska u penziju. Dakle, trenutno od ukupno 4 ureda (Zenica, Bihać, Tuzla i Travnik) imamo samo angažman jedne osobe u Tuzli.

VIII NOVE ČLANICE

Udruženje poslodavaca u FBiH je početkom februara 2024. godine s ciljem prezentacije rada aktivnosti, kao i prioriteta za unaprijeđenje poslovnog okruženja i rasterećenje privrede, te omasovljenja članstva organizovalo terenske posjete i sastanke po kantonima, gradovima i općinama širom FBiH.

Nakon završenih obilazaka u Bosansko-podrinjskom kantonu Goražde, Konjicu, Tuzlanskom kantonu, a okviru definisanih aktivnosti za tekuću godinu, Udruženje poslodavaca u Federaciji BiH je u periodu od 04. do 07. marta održalo okrugle stolove s predstavnicima kompanija iz Zeničko-dobojskog kantona, tačnije Žepča, Visokog, Maglaja, Zenice, Tešnja, Kaknja i Viteza.

Temeljni fokus svih razgovora bio je analizirati trenutno stanje i probleme na terenu, te prepoznati prioritete u poslovanju u realnom sektoru u FBiH i čitavoj BiH, odnosno poentirati kroz praksu ostvarena dobra rješenja, kao i ukazati na aktuelnu problematiku poslovanja privrednika i moguće načine prevazilaženja prisutnih poteškoća, naročito kroz izraženi problem nedostatka radne snage i preopterećenosti parafiskalnim i fiskalnim nametima.

Najčešće ukazani problemi sa kojima se danas suočavaju poslodavci su preveliko opterećenje cijene rada koje gotovo rezultira "platom na platu", jer skoro isti iznos plaće radnika izdvaja se za razne državne fondove te je neophodno hitno smanjiti poreze, doprinose, troškove poslodavaca po osnovu zdravstvenog osiguranja te ogromne i bespotrebne parafiskalne namete kako bi se omogućilo povećanje plaća. Poslodavci su također istakli problem nedostatka radne snage, sive ekonomije, skupe i neefikasne administracije, neusklađenost obrazovnog sistema sa tržištem rada, nedostatak praktičnog rada u sistemu obrazovanja, sporo donošenje podzakonske regulative koje be uredile oblast energetike, kao i problema iz oblasti zaštite na radu i pretvaranje poljoprivrednog u građevinsko zemljište.



Učesnici sastanaka na svim mjestima, pohvalili su aktivnosti UPFBiH na terenu što će sigurno doprinijeti dodatnom sagledavanju stanja i problema sa kojima se poslodavci susreću te u konačnici unaprijediti rješavanje istih kroz saradnju sa vlastima na svim nivoima, od državnog do lokalnog nivoa.






Nakon provedenih aktivnosti slijede okrugli stolovi i u drugim kantonima FBiH.

Tokom protekle godine Udruženju je pristupilo preko 40 novih članica i istovremeno Udruženje su napustile nekoliko pojedinačnih članica. Važno je napomenuti da su sve nove članice pristupile Udruženju na vlastiti zahtjev što pokazuje da su poslodavci prepoznali rad Udruženja poslodavaca FBiH.

POJEDINAČNE I KOLEKTIVNE ČLANICE IZ 2023. GODINE

- ✚ EUROSJAJ D.O.O. Konjic
- ✚ SCHACHERMAYER D.O.O.
- ✚ DQS BH CERT D.O.O.
- ✚ LIVNOPUTOVI D.O.O. Livno
- ✚ INTERLOGISTIC D.O.O. Sarajevo
- ✚ UDRUŽENJE „REPROBOS“
- ✚ UDRUŽENJE „CENTAR USPJEHA“
- ✚ ESTA d.o.o.
- ✚ KJP „SARAJEVO - ŠUME“
- ✚ IEHSOFTLABS D.O.O. Sarajevo
- ✚ RAMEX D.O.O. Kladanj
- ✚ GLOVOAPP D.O.O. Sarajevo
- ✚ CLOUDIT D.O.O
- ✚ APOTEKA VITA
- ✚ PROVING D.O.O. Sarajevo
- ✚ GS 1 BOSNE I HERCEGOVINE
- ✚ KLIPING BH D.O.O. Sarajevo
- ✚ METAL EXPORT D.O.O. SARAJEVO-UPRAVITELJ
- ✚ HKB NET D.O.O. Sarajevo
- ✚ AGENCIJA ZA ZAPOSŁJAVANJE UNIDAD, Sarajevo
- ✚ BAUPARTNER D.O. Sarajevo
- ✚ EGLO RASVJETA BH D.O.O. Gradačac
- ✚ RUDNIK KREČNJAKA VJENAC, LUKAVAC
- ✚ VRTIĆ D.O.O. Konjic
- ✚ MOZZART BH PLAY CAZZINO D.O.O. Sarajevo
- ✚ BIN BIN BH D.O.O. Sarajevo
- ✚ GRANULO-RE D.O.O. Sarajevo
- ✚ HIT COLOSEUM D.O.O. Sarajevo
- ✚ PROMET ALFA D.O.O. Ljubuški
- ✚ ALBERA D.O.O. Sarajevo
- ✚ KJKP „RAD“ D.O.O. Sarajevo



-  OMEGA GROUP D.O.O. Sarajevo
-  THE MARKS CENTER FOR ENGLISH Sarajevo
-  AIS-ASOCIJACIJA IZVOĐAČA I SVIRAČA BIH Sarajevo
-  TMD AUTOMOTIVE D.O.O. Gradačac
-  KOVRAD D.O.O. Gradačac

Udruženje poslodavaca u FBiH je tokom 2023. godine u okviru aktivnosti „omasovljenje članstva“ poduzelo brojne aktivnosti, održalo nekoliko sastanaka sa rukovodstvima Udruženja banaka BiH, Udruženja društava za osiguranje u Federaciji BiH, a u cilju ponovnog uključivanja u članstvo. Također pokrenute su i aktivnosti za ulazak u članstvo privatnih kompanija iz oblasti zdravstvenog sektora.

Očekujemo tokom 2024. godine da će ove aktivnosti rezultirati konačnim članstvom za nas veoma bitne i važne dvije organizacije kao i sektor privatnog zdravstva.

IX ODNOSI SA JAVNOŠĆU

Udruženje poslodavaca u FBiH je skoro svakodnevno bilo prisutno u medijima. Dato je više od 300 izjava za medije, desetine saopćenja i održano nekoliko press-konferencija, a predstavnici UPFBiH bili su gosti u više od stotinu TV i radio emisija, te sa sigurnošću možemo reći da je Udruženje poslodavaca u FBiH bilo među najobjavljinijim u medijima u 2023. godini.



Tokom 2023. godine održane su četiri press-konferencije:


- UPFBiH i SSSBiH pozvali zastupnike i delegate Parlamenta FBiH da usvoje zakone i omoguće povećanje plaća zaposlenih u realnom sektoru do 400 KM
- Press-konferencija uoči Konferencije UPFBiH “Opterećenje cijene rada i tržište rada u FBiH”
- Press-konferencija uoči Konferencije UPFBiH “Fiskalna i parafiskalna opterećenja i tržište rada u FBiH: stanje i perspektive”
- UPFBiH: Donošenje fiskalnih zakona ključni prioritet u 2024. godini.

Saopštenja za javnost

U okviru aktuelne društveno-političke situacije, Udruženje poslodavaca u FBiH je u protekloj godini upućivanjem saopćenja za javnost i blagovremeno reagovalo na zajedničke ili pojedinačne probleme njenih članica, ali i u korist šire društvene zajednice. Saopćenja su medijski dobro popraćena i na tradicionalnim medijima, kao i na online portalima, što pokazuje veliku zainteresovanost medija za aktivnosti UPFBiH.

Upućena su sljedeća saopćenja:

-  UPFBiH i SSS BiH traže hitnu reakciju vlasti u cilju povećanja plaća radnika
-  UPFBiH i SSS BiH traže da Zastupnički dom na narednoj sjednici razmatra izmjene i dopune zakona kojima bi se primanja radnicima povećala do 400 KM



- ✚ UO UPFBiH: Insistiramo na uvrštavanju izmjena i dopuna zakona koji omogućavaju da se primanja radnicima povećaju do 400 KM na dnevni red Zastupničkog doma Parlamenta FBiH
- ✚ UPFBiH i SSSBiH pozvali zastupnike i delegate Parlamenta FBiH da usvoje zakone i omoguće povećanje plaća zaposlenih u realnom sektoru do 400 KM
- ✚ UPFBiH ogorčeno odbijanjem vlasti u FBiH da se brzo povećaju plate u realnom sektoru
- ✚ Održana Skupština Udruženja poslodavaca u FBiH
- ✚ UPFBiH: Čestitka novoj Vladi FBiH na imenovanju uz poziv na partnerstvo i saradnju u rješavanju ekonomskih problema
- ✚ Premijer i federalni ministri sa Udruženjem poslodavaca u Federaciji BiH
- ✚ UPFBiH: Hoćemo li izgubiti još jednu godinu, jer vlast u FBiH ne želi omogućiti povećanje plata zaposlenih u realnom sektoru do 400 KM
- ✚ UPFBiH zastupnicima Zastupničkog doma Parlamenta FBiH: Usvojite izmjene zakona i omogućite povećanje plaće zaposlenima u realnom sektoru do 400 KM
- ✚ UPFBiH i UPRS pozivaju zastupnike Zastupničkog doma Parlamenta BiH da usvoje predložene izmjene Zakona o PDV
- ✚ UPFBiH: Zastupnici čija plata prelazi 4.000 KM odbijaju omogućiti povećanje plaća radnicima u realnom sektoru do 400 KM
- ✚ Europska unija podržava uspostavljanje Help deska Udruženja poslodavaca u FBiH za upravljanje zaštitom na radu
- ✚ UPFBiH i UPRS ponovo pozivaju zastupnike Zastupničkog doma Parlamenta BiH da usvoje predložene izmjene Zakona o PDV
- ✚ UPFBiH i SSSBiH: Pozivamo zastupnike da podrže povećanje plaća u realnom sektoru do 400 KM, budžeti nisu ugroženi
- ✚ Usvajanje izmjena i dopuna Zakona o PDV-u je pozitivan signal za domaću ekonomiju
- ✚ Udruženje poslodavaca u FBiH oštro osuđuje bilo kakav napad i neprimjerno ponašanje nad radnicima
- ✚ Delegacija UPFBiH sa ambasadorom Murphyjem: Poziv vlastima na usku saradnju sa UPFBiH
- ✚ UPFBiH organizira besplatan trening za kompanije o provedbi mjera zaštite na radu
- ✚ Konferencija UPFBiH: BiH kasni sa fiskalnim i reformama tržišta rada
- ✚ U UPFBiH održan prvi trening za kompanije o provedbi mjera zaštite na radu
- ✚ U UPFBiH održan trening za kompanije iz metalne djelatnosti o provedbi mjera zaštite na radu
- ✚ Udruženje poslodavaca Kantona Sarajevo poziva na hitno djelovanje vlasti za poboljšanje poslovnog ambijenta
- ✚ Trening za kompanije iz sektora drvne industrije o provedbi mjera zaštite na radu
- ✚ UPFBiH pokrenulo Help desk za upravljanje zaštitom na radu
- ✚ Poslodavci izričito protiv povećanja cijena električne energije za privredu u 2024. godini
- ✚ Zaključci sa konferencije "Opterećenje cijene rada i tržište rada u FBiH"
- ✚ UPFBiH poslodavcima: Ne potpisujte ponude koje je dostavila EPBiH dok se ne riješi pitanje cijene struje za privredu
- ✚ UPFBiH organizovalo interaktivni trening za kompanije iz hemijske industrije o provedbi mjera zaštite na radu
- ✚ Trening za kompanije iz građevinskog sektora o zaštiti na radu
- ✚ UPFBiH: Elektroprivreda BiH će od kompanija dobiti dodatnih između 25 i 28 miliona KM



- + Trening za kompanije iz tekstilne industrije
- + Održan okrugli sto na temu primjene novog Zakona o zaštiti na radu
- + UPFBiH Vladi FBiH: Hitno usvojite zakone koji će omogućiti povećanje plaće zaposlenima u realnom sektoru do 400 KM bez poreza i doprinosa
- + UPFBiH i UPRS nastavljaju insistirati na pomjeranju roka za plaćanje PDV na zadnji dan u mjesecu
- + UPFBiH pozdravlja odluku Vlade FBiH i apeluje da se ne povećava cijena električne energije za privredu
- + Okrugli stol o obrazovanju: Poslodavci moraju biti uključeni u reformu obrazovanja i obrazovne procese
- + Poslodavci nezadovoljni povećanjem cijene struje privredi, pozdravljaju isplatu dvije prosječne plaće radnicima bez poreza
- + UPFBiH i UNFPA: Oko pola miliona žena u BiH nema vlastite prihode i njih treba hitno uključiti u tržište radne snage
- + Fiskalnim i parafiskalnim rasterećenjima do boljeg poslovnog ambijenta, većih plaća i stabilnog budžeta
- + UPFBiH: Donošenje fiskalnih zakona ključni prioritet u 2024. godini

Press clipping

Putem press clippinga, odnosno, dnevnog pregleda medija, izvještavali smo članstvo o aktivnosima UPFBiH i drugih ogranaka UPFBiH, aktivnostima naših članica i vijestima koji se tiču privrednog i ekonomskog ambijenta. Press clipping se dostavljao svakodnevno članovima UO, Skupštine, predsjednicima grupacija, kolektivnim članicama i ostalim članicama UPFBiH.

Video o neophodnosti rasterećenja plaća


Udruženje poslodavaca u FBiH je u okviru aktivnosti na rasterećenju cijene rada kroz smanjenje doprinosa i poreza na dohodak, u saradnji sa Savezom samostalnih sindikata BiH, pripremlilo i otpočelo medijsku kampanju kako bi što prije bile usvojene izmjene i dopune Zakona o doprinosima FBiH i Zakona o porezu na dohodak FBiH, ali i neki drugi vezani propisi iz našeg dokumenta "Šta poslodavci očekuju od vlasti". U sklopu kampanje kreiran je i kratki video koji je emitovan na radio i TV mrežama.

Newsletter

Svakog mjeseca izdavali smo Business Info Newsletter koji smo u elektronskoj formi distribuirali na više od 1000 adresa, našim članovima, predstavnicima vlasti, medijima, akademskoj zajednici i ostalim organizacijama. U protekloj godini izadali smo 12 brojeva Business Info Newslettera.

Web stranica i društvene mreže

Svakodnevno smo putem web stranice i društvenih mreža informisali članstvo i javnost o aktivnostima Udruženja.




X OKRUGLI STOLOVI, EDUKACIJE I KONFERENCIJE


Tokom protekle 2023. godine Udruženje poslodavaca u FBiH je organizovalo brojne okrugle stolove, seminare i konferencije.

Dvije najznačajnije konferencije koje su bile u organizaciji UPFBiH:

Konferencija UPFBiH „Opterećenje cijene rada i tržište rada u FBiH“

UPFBiH je početkom oktobra organizovalo konferenciju "Opterećenje cijene rada i tržište rada u FBiH" koja je okupila veliki broj predstavnika izvršne i zakonodavne vlasti, poslovne zajednice, sindikata iz realnog sektora, akademske zajednice te međunarodnih organizacija i ambasada u BiH, a cilj konferencije je bio ubrzavanje procesa i usaglašavanje rješenja koja će unaprijediti poslovni ambijent, značajno povećati plaće zaposlenih u realnom sektoru te unaprijediti životni standard građana. U okviru konferencije održana su dva panela "Opterećenje cijene rada" i "Tržište rada u FBiH". Zajednički zaključak i ocjena svih učesnika je da dvije odabrane teme konferencije predstavljaju ključne probleme u poslovanju privrednih društava u realnom sektoru u FBiH. Učesnici su razmijenili informacije o predstavljenim planovima, programskim aktivnostima i ključnim izazovima vezano za fiskalne reforme, kao i reforme tržišta rada. Radi se o dugoočekivanim neophodnim i hitnim reformama s ciljem unapređenja poslovnog ambijenta, pojeftinjenja cijene rada, osiguranja i zaustavljanja odlaska radne snage iz FBiH i olakšanog uvoza radne snage, tamo gdje je to neophodno. Događaj je bila prilika na kojoj je premijer i drugi predstavnici vlasti i službeno najavili planirane reforme i rokove za realizaciju istih.






Konferencija UPFBiH "Fiskalna i parafiskalna opterećenja i tržište rada u FBiH: stanje i perspektive"

U novembru je održana konferencija UPFBiH "Fiskalna i parafiskalna opterećenja i tržište rada u FBiH: stanje i perspektive" na kojoj su učestvovali predstavnici vlasti, sindikata, institucija, akademske zajednice, domaćih i međunarodnih organizacija i poslodavci. Premijer Nikšić je na konferenciji naglasio da je cilj Vlade smanjenje troškova rada, povećanje plaća, posebno minimalne, jačanje privrede, otvaranje novih radnih mjesta, smanjenje sive zone, ali i smanjiti parafiskalne namete za koje niko sa sigurnošću ne zna koliko ih tačno ima, ali da procjene govore da ih BiH ima tri puta više nego Srbija, a dva puta više nego Hrvatska. Direktor UPFBiH Mario Nenadić je kazao da su neki od prioriteta na čijoj provedbi će UPFBiH raditi u narednom periodu stvaranje boljeg poslovnog ambijenta, jačanje poslovnog sektora i položaja realnog sektora, smanjenje opterećenja cijene rada, povećanje plaća. Na konferenciju su govorili i savjetnica za komercijalna pitanja u Ambasadi SAD u BiH Alisson Stepinec, direktorica FIA-e Irma Borovac, direktor Porezne uprave FBiH Šerif Isović, predstavnik Saveza samostalnih sindikata BiH Samir Kurotović, rektor Sarajevo School of Science and Tehnology Vjekoslav Domljan, direktor TMD Gradačac Adem Hanić te predsjednik Obrtničke komore FBiH Željko Babić. Učesnici su ocijenili konferenciju kao veoma uspješnu i korisnu platformu, uz naglasak na neophodnosti nastavka ekonomsko-socijalnog dijaloga. Udruženje poslodavaca Federacije Bosne i Hercegovine organizira konferenciju u okviru Projekta "Doprinos organizacija civilnog društva poboljšanju utjecaja poduzetništva na socio-ekonomski razvoj BiH" koji finansira Europska unija.






Od ostalih aktivnosti izdvojili bismo sljedeće:


- Konsultacije o Zakonu o dualnom obrazovanju u KS
- Presentacija nalaza pripremne faze projekta Posao za sve
- Održani sastanci tri fokus grupa UPFBiH za usaglašavanje principa Zakona o porezu na dohodak i Zakona o doprinosima održana u Mostaru, Vitezu i Sarajevu
- Poslovno-obrazovni centar UPFBiH realizovao besplatnu obuku iz engleskog jezika za nezaposlene
- Održano šest treninga o provedbi mjera zaštite na radu u skladu sa odredbama novog Zakona o zaštiti na radu u FBiH za kompanije iz tekstilne industrije, građevinskog sektora, hemijske industrije, drvene industrije, metalne indutrije, te za kompanije koje se bave uredskim poslovanjem i špedicijom
- Poslovni događaj "Povećanje ekonomske razmjene između BiH i Slovenije"
- Radna grupa za izradu Nacrta zakona o izmjenama i dopunama Zakona o profesionalnoj rehabilitaciji, osposobljavanju i zapošljavanju lica s invaliditetom
- Okrugli sto na temu primjene novog Zakona o zaštiti na radu
- Okrugli sto: "Komunikacija između poslodavaca - obrazovanja - tržišta rada je preduvjet za obrazovanje po mjeri poslodavca, učenika i tržišta rada"
- Projekat "Zaključavamo cijene"
- Okrugli sto UPFBiH i UNFPA „Prevazilaženje nedostajuće radne snage u privredi kroz jačanje kapaciteta neaktivne ženske populacije"

Udruženje poslodavaca u FBiH je također učestvovalo na brojnim događajima kao što su:

- Direktor UPFBiH učestvovao na panelu u okviru predstavljanja projekta EU4Employment
- Radionica o dizajniranju programa stažiranja i pripravnštva za provedbu EU garancije za mlade
- Direktor UPFBiH prisustvovao obilježavanju 33 godine rada Sindikat državnih službenika i namještenika u FBiH
- Godišnja konferencija GS1 BiH
- 111. konferencija Međunarodne organizacije rada
- Mrežni sastanak lokalnih partnerstava za zapošljavanje pod nazivom "Suočavanje sa preprekama za zapošljavanje nakon obuka za tržište rada"
- Predsjednik UPFBiH prisustvovao otvaranju 12. GRAPOS EXPO 2023. u Gračanici
- Direktor UPFBiH prisustvovao otvaranju 7. međunarodnog sajma privrede Tešanj
- Konferencija "Ka održivoj industriji tekstila, odjeće, kože i obuće u BiH"
- 9. Sajam bh. Privrede UPFBiH kako na tradicionalnim tako i na novim medijima
- Direktor UPFBiH prisustvovao na 25. Međunarodnom privrednom sajmu u Mostaru







XI PROJEKTI


Sa ciljem jačanja kapaciteta UPFBiH je u 2023. implemetiralo sljedeće projekte:

REALIZIRANI PROJEKTI U 2023. GODINI

- Projekat EU sa UPRS „Doprinos organizacija civilnog društva poboljšanju uticaja preduzetništva na socio-ekonomski razvoj BiH - EISE projekat“
- Projekat ILO I EU „Podrška Udruženju poslodavaca u FBiH u uspostavljanju Help desk za preduzeća u upravljanju zaštitom na radu“
- Projekat Zavod za zapošljavanje FBiH „Obuka engleskog jezika i informatike mladih i žena koji su stekli zvanje prodavač/trgovci turistički u gostitelj“
- Projekat CRS Preporuke za izmjene i dopune Zakona o zapošljavanju stranaca u FBiH kako;
- Projekat sa UNFPA „Prevazilaženje nedostajuće radne snage u privredi i jačanje kapaciteta neaktivne ženske populacije“.

PROJEKTI U TOKU 2024. GODINE

- Nastavak Projekta EU sa UPRS „Doprinos organizacija civilnog društva poboljšanju uticaja preduzetništva na socio-ekonomski razvoj BiH - EISE projekat“
- Projekat Zavod za zapošljavanje FBiH „Obuka i priprema za otvoreno tržište rada osoba sa invaliditetom“
- Projekat EU sa Unijom poslodavaca RS „ Jačanje ljudskih prava u aktivnostima poslovnog sektora u Bosni i Hercegovini“
- Projekat ILO „ Uspostava baze podataka“.



APLICIRANI PROJEKTI:

- Regionalni Projekat sa udruženjima poslodavaca Crne Gore, Srbije, Makedonije, Albanije i dr.
- Regionalni projekat sa udruženjima poslodavaca i sindikatima transporta Srbije, Crne Gore, Slovenije, Italije, Makedonije „Empower social partners on western Balkans“
- Projekat koji finasira Švicarska ambasada „Improving labor market and cooperation of employers, government authorities and the civil sector through the employment of persons with disabilities on the open labor market“
- Projekat IOM „Mobilnost radne snage“

UPFBiH će i u poslovnoj 2024. godini raditi na pripremama projekata u kojima može biti nosilac projekta ili partner na projektu, a čija je svrha kompatibilna sa registriranom djelatnošću i ciljevima UPFBiH.

XII MEĐUNARODNA SARADNJA

Udruženje poslodavaca u FBiH će tokom 2024. godine nastaviti već uspostavljenu saradnju, te raditi na jačanju saradnje sa:

- ✓ USAID
- ✓ Svjetska banka
- ✓ MMF
- ✓ Evropska Komisija
- ✓ IFC
- ✓ ILO
- ✓ Friedrich-Ebert-Stiftung
- ✓ IOM
- ✓ CRS
- ✓ UNFPA
- ✓ GIZ
- ✓ Saradnja sa poslodavačkim udruženjima u okruženju i zemljama EU.

XIII IZDAVAŠTVO

Newsletter

Svakog mjeseca izdavali smo Business Info Newsletter koji smo u elektronskoj formi distribuirali na više od 1000 adresa, našim članovima, predstavnicima vlasti, medijima, akademskoj zajednici i ostalim organizacijama. U protekloj godini izadali smo **12 brojeva Business Info Newslettera**.

Također, pored redovnih izdanja Business Info Newsletter-a, u decembru 2023. godine izdali smo i Godišnji bilten Udruženja poslodavaca u FBiH, koji je imao za cilj da se prezentiraju realizirane aktivnosti i da se konkretnim i direktnim sugestijama prema upravljačkim strukturama UPFBiH unaprijedi rad UPFBiH u odnosima sa vlastima, sindikatima i drugim udruženjima i organizacijama, te akademskoj zajednici i medijima.

UPRAVNI ODBOR UPFBiH

